


Siriintēē: Willem de Vink

YĒĒSU

MEESAAYA

INYEENTEE NYOO WĀLĒY NG'WĒNY




WILLEM DE VINK

NEE...




/Kēeng'ēētyēērō meerrat: Kiing'eeta :Yēesu meerrat. Nēē mii pērēētūu akoong'o /kēeng'ēētēē chiich aka tōkōl meerrat, si nēē ityō kuurwoochi :Iriin.

Āmiisyoo Kiptaayaan: Āmēy makatyaan akura tiipaay :tuupiipō Yēesu kuupkootēy akipō meereenyiin nkōō ng'ēētyeenyiin.



Kaarana: /Kēētiirēē keey Iriin kilē irēy kiyi kiiyoomiis.

Kiineetan: Tuup chēpō taay chēpō Yēesu.



Kimurtooyoon: Kir nyoo pkootinii tupiipō Yēesu kilē kiima :inyeentee si nēē ityō /kēēsāru akwaaneek.

Kuwārākēē :Yēesu: /Ki-irēy kir aka tōkōl kurēēliit paani kawaraka :Yēesu kuchō ng'wēny. Rēēliitēy :Iriin parak nkōō ng'wēny.




Malayiika: Inyeentee nyoo yooytooy :Iriin ku-āpto lōōkōōyichiich.

Meesaaya: Meesaaya ku ng'ālyoon nyēpō Epuraan nyoo ng'uutuuy kilē 'nyoo iilaat.' Nēē /kiwal nkōō kuutii Kirik kumwoorēy kilē Kiriistō.



Ng'ōōki: Tukun choo kii-irēy :achaan choo māchāmēy :Iriin akukārtooyēēch simākunyōōru kir nyoo kiikuchēpwēēch :Iriin.



Nyooyeetaap kaat: Nyōōchinii :Iriin piich kaat, mpō ntā moomii :chiich nyoo nyoolchinii /kēēnyōōchi kaat. Nyōōchinii :Iriin chiich kaat nēē cham kuwala akumētō ng'ōōkiichiich. Muukēē /kēēnyōōchi chiich kaat āmu kii-āp :Yēesu ng'ōōkiichooch.

Paaypōl: Nēē sooman Paaypōl isōwuuu akipō wōloo rōōtitooy :Iriin piich nkōō wōloo lēē choorwoontiinyiin nkōō akwaaneek.

Pasaka: Tuum nyoo /kuupkootēē ng'ēētyoo Yēesu. Kii-āmēy :piipō Israyeel tuumi kuupkootēy akipō wōloo /kiikisāru akwaaneek nkōō kōōroo Miisiri.

Pāyuanātoō Iriin: Mii :pāyuanātoō Iriin wōltō aka tōkōl wōloo koonyitēy :piich inyeentee.

Pēēruur: Tukun tōkōl choo kāroomēēn choo mārēy :Iriin kuutō piich choo irēy kiyoo mārēy :inyeentee.

Saayat: Ku ing'āloolchi Iriin nkōō moong'uung' nta nkōō kuut nyoo oōw akiiteer :inyeentee kung'āloolun.

Sopoon nyēpō ākōy: Ku /kēēmāng'iisyō nkōō Yēesu kilēē wōli mārēwēēch :Iriin. Pēlēy meerrat aku māting'ēy lēt.

Syeetaani: Puunyoonyoo mēērōōtēy :chiich nyēpō Iriin nkōō mpō piich.

Toomirmiir nyoo Tiliil: Ku Toomirmiir nyēpō Iriin nyoo māng'ēy or nyēpō akwaaneek choo tuupēy Yēesu.

Wēēroo Iriin: Kaarin nyēpō Yēesu. Kii mii :inyeentee nkōō Apoonyiin Iriin kipsēnkūwēt aku kiiyooku :Iriin kiichō ng'wēny kilēē kimukuulmēt sikung'uutwēēch kilē ng'oo :Iriin.

Yēesu: Kaarin nyēpō wēēroo Iriin, nyoo ng'uutuuy kilē, 'Sāruuy :Iriin piich'.



PĒRĒĒTUUS CHĒPŌ YĒĒSU

/Kiikitoowu /kēe-it kēnyiis kung'eeta
/keenam Yēesu. Nkōō pērēētus chēpō
Yēesu ku kiipēērēē :piich kēēlyēn, sikirēy
nta ku paraasiin. Nkōō
pērēētusyēchoochēē, kāmōōs chaa
chaang' chēpō Wulaaya, kōōrootin choo
mii Kwēēn nyēpō Koong'asiis nyēpō
kōōrēē, nkōō kamaspō Ēēruu taay nyēpō
Aprika ku kiipāyuuy :paytaar nyēpō
Rooma. Kii chaang' :piich
pērēētusyēchoochēē choo kiimēēnkēt
kusooman nta kusir, wōloo nyuun kiinkēt
:piipō Israyeel chaa chaang' kusooman.
/Kiikikuurēē akwaaneek 'piipō kiitapu.'

Ng'ālōolēy :Iriin kupunuunō kiitapu,
nyoonēē ku Paaypōl. Kii-ir :inyeentee kir
aka tōkōl aku mārēy kulēku choorwa nkōō
chiich aka tōkōl. Kiing'uutu :Yēesu
choorwoontiinoonēē kukaraam!

NG'OO :YĒĒSU

Kiimāng'iisyō :Yēesu kēnyiis 2000 choo
kiikusiirtō nkōō kōōroo Israyeel.
/Kikuurēē inyeentee 'Yēesu Meesaaya'
nta ku 'Yēesu Kiriistō.' Ng'uutuuy kilē
pāytooyiin :inyeentee, aku kii mā
pāytooyiin kipaata. /Kikuurēē 'Wēēroo
Iriin' /akēēkuurēē mpō 'wēēroo Chiich.'
Mwooruuy :Paaypōl akipō sopoon nyēpō
Yēesu. Paaypōl ku kiitapu nyēpō
kwōng'uut nyoo moomii nyoo
/kuurookēē.





ISRAYEEL NKŌŌ PĒRĒĒTUUS CHĒPŌ YĒĒSU



Nkanasa nyoo oōw: Chēerusālēm

Pōrōrōs: Kalilaaya, Samariiya, Chuuteeya.

Wōloo tēnō kōoro Israyeel: Lēēkit kitēnō
kiilomiiteen 669, nēē kuumuruut.

Wōloo lēē kōoro noonēē: Ting'ēy lālāng'in
nkōō kārtitin nyēpō kwēēn.

Pōlēt: Kii pāyuuu :piipō Rooma piipō Israyeel
kung'eeta kēny nyēpō 63KKK.


Paytaar: Kii pāytooy :kaapana nyēpō Rooma
nyoo /kiikikuurēē Pōōntyō Pilaatō kōoro
Israyeel, aku kii pāytooy inyeentee :Tipēeryō
Kaysaari nyēpō Rooma.

Tiini: Kaarana nyēpō piipō Yāwut. Ting'ēy
:piipō Yāwuut Kō nyoo sooyēē nkōō
Chēerusālēm. Mii :tis choo irēy
pāyiisyōōn chaa chaang' chēpō tiini
akumii :koonēēt chēpō ng'ātuut choo
nyoolchiniī kuuneet piich kupunuunō
Paaypōl.

Kuutiway: Epuraan (kuutii Yāwuut), Kiriik
(kuutii nyoo /kiiking'ālōolēē nkōō
kāmoosiik tōkōl), Laatiin (kuutii piipō
Rooma).



Āmu nee sikuurum keey :pichu tōkōl nkōō tapan nyēpō een?



Āchēpō keey! Āmu
kaakuriiku
:Pāyuunātoo Iriin.



Ātoowuu sopoon nyoo rēēl.




Chēpoot āywoo Iriin nyēpō
kiirwook kutil keet.

/Kuumuukēy mpō
/keeyaptech tōkōl.
Ng'oo nyuun nyoo
muukēy kumāng'iisyō
sopoon nyaa karaam?



Iman. Moomii :chiich nyoo chirilēē
kiirwook nyēpō Iriin. Wōloo nyuun,
chōñēy inyeentee nyoo
pootiisānēēnook Toomiiryenyiin nyoo
Tiliil. Inyeentee nyoo sārwook.



Keet aka tōkōl nyoo mānāmēy
lokor choo kāroomēn
/kēēyāpēy /akēēwiirchi ma!



Āmārēy :akwaan kuwala
sopēng'woong'?
Ang'aang'a naas
ng'ōōkiikwook akaapkaan
/keepaatiisanaak nkōō
pērēēchu!





/Kaakēēwuuntoowook naas
ng'ōōkiikwook. Apee ākoomāng'iisyō
sopoon nyoo rēēl.

Kiikuurō :piich inyeentee nyoo kii-āmtooy
Chowaana Koopootiisāniin...

Moopō koomānuut aneen.
Āmii āchēpchinii aree
inyeentee nyoo ng'utwēech
kilē ng'oo Iriin. Chōōnēy
:inyeentee
kuupootiisānēenook
Toomirmiir nyēpō Iriin nkōō
ma. Nyoonēē nyuun nyoo
wālēy sopoonwēkwook
kukaraam.



Nēē ityō...



Nyoolchinii
ipaatiisanaan!




Ira kilē nyoonēē, si
nēē ng'at kee-ir
kiyoo mārēy :Iriin.



Paapa Iriin, kanya
kuchō
:pāyuunātēēng'uu
ng' aku-ira
:makēēng'uung'.



Kiichōōnō nyuun
:kuut parak nyoo
kumwoorēy kilē...



Ēē, inyēēn
wēēriinyuun nyoo
chāmey
:moonyuun.

Mii kuchēpēy :Chowaana Koopātiisāniin piipō
 Israyeel akipō chōnātoo Meesaaya. Nkōō
 pēērēetuusyēchoochēē ku kiipāytooy :kōōroo
 Rooma kōōrootin chaa chaang'. Israyeel ku kii
 kōōr nyaa manang' nkōō kōōrootinēchoochēē
 kiipāytooy :kōōroo Rooma.



Kiirōōtēy keey :piipō
 Yāwuut kilē kiimāting'ēy
 toorētō /akēēturtuurēy.
 Kiikānyoonyu pērēētuuni
 chōōnēy :Meesaaya nyoo
 chokusāruuy piich kilēē
 paani kiing'oor :ōōrkooy
 nkōō siruut chēpō Yāwuut.
 Meesaaya nyoo kiichō ku-
 irchinii piich iman nyēpō
 Iriin.

Mii :Chowaana Koopootiisāniin ēēmpō Choortan
 kuumuutēy Yēēsu nkōō moorineenyiin.



Kiitēpō suur kwēēn pērēētus artam
 kima-am kir. Kiisa akuurukuut keey
 akipō pāyiisyooni kiimii taayuunyiiin.



Kiichō :Yēēsu sikuusilta
 chēpuut chēpō Iriin, aku
 nyoonēē ku kuutyaaka piich
 koowāriisyo nyēpō meerat.



Kiityam :Syetaani Yēēsu. Inyeentee ku pāytooyiin
 nyēpō tuurin nyoo /mākuurōōtēy nkōō koonyin aku-
 āpuuy sasat, kōrōōytiin nkōō meerat.



Wōloo nyuun kiitō :Syeeataani Yēēsu
kaapkaata nyoo lēē teer kilē sikuupoot
inyeentee ma-ir pāyiisyoo Iriin.

Kiichōōnchi :Syeeataani
akumwoochi kilē, “Nēē :inyēēn
Wēēroo Iriin, imwoochi kee
koriichu kilēku āmiisyō!”

Kuwālchi :Yēēsu kilē,
“Acha, mwoorēy :siruut
kilē, ‘Māsopēē :chiich
āmiisyō kipaata. Wōloo
nyuun, sopēē ng’ālyoon
aka tōkōl nyoo chōōnēē
wōloo mii :Iriin.”

Nēē inyēēn Wēēroo Iriin,
ing'uutu kee! Isōkōrtoorēē kee
kōpō Iriin ākōy ng'wēny, āmu
siraat kilē, ‘Yookuuy :Iriin
malayikeenichiich sikutaakin.’

Roo kee! Nēē kutung'woon,
ākōōniin kaamuuka ipayta
kōōrootinēēchu tōkōl.


Kiimētō nyuun :Syeeataani Yēēsu,
kupka :malayikeen
akupāyiisyēēchi inyeentee.

Acha, siraat mpō
kilē, “Kumeetyam
Iriin.”



Wiyō, Syeeataani! Siraat
kilē, ‘Kutunchii Iriin
Kiptaayaanteeng'uung'
akiipāyiisyēēchi
inyeentee keey.’”

Kiiwaraka :Yēēsu kōōroo
Kalilaaya, ku kiinyir Toomirmiir
nyoo Tiliil. Kumii kuwēētii ku
kiituup :piich chaa chaang' choo
kiimārēy kusōwu nēē Yēēsu ku
Meesaaya...

Tuum nyoo kiimii Kaana.



Kiimii :Yēesu tuumoonēē
kupootō eeyeenyiin nkōō
kiineetanichiich.






Wōloo nyuun kii nēē mii
kwēēn nyēpō tuumtō...

Ku-ira :kir nyoo
/kiimākuupkootēy!
Kurook tiipaay!


A-ira kir aka tōkōl
nyoo kāmwoorwook
:Yēēsu!



Anyiriita pēr tērēēnichu
akaakany kuchamcham
:poontoo tuum.



Chamchama kee.
Nku kēēsiintō
:inyēēn tiipaayik
choo ānyinyēēn
ākōy paannyēēnyi!



Pēr? Nku tiipaay!
Tiipaay choo
ānyinyēēn!



?




Toomō aroo ng'al choo lēē chu! Toomō āwō tuum nyoo lēē
nyi! Nyoo kuwālēy pēr kulēku tiipaay choo ānyinyēēn.

Nka nyoonēē
pāyisyo Yēēsu
nyēpō Naasareet.

Aku oo,
ng'oo
:chiichi?

Kaaparnaam ku kōōr nyoo kiikutas taay nyēpō piich choo nāmēy kaaraak nyoo mii tapan nyēpō araaraypō Kaliilaaya. Yēēnyi yi kiitoowuunō :Yēesu ku-āmchi piich akipō pāyuunātoo Iriin.



Raang'a mēēlii kuwō kamasiinō chaang' :pēr, ākoowiirchi neetiisyēkwōok pēr.

Aku yēēnyi yi kiilēwēnō :Yēesu kiineetanichiich chēpō taay.



Kiptaayaantaani, kakuukiil keey lang'a kuyyeech amaakunam kir mpō akoong'o...



Wōloo nyuun oo, āmu keemwaa kilēē nyoonēē...



Pō kwōng'ut! Toomō aroo ng'al choo lēē chu.




Chēemis! Chowaana!
Apkaana wōli! Toomō
keenama pērēetuu aka
kaaraak choo tēnō
chu.



Kiptaayaan,
mētoon āmu
aneen chiich
nyoo lēē
kipng'ōōkiyoon.

Kumēwāriisyō
Pēētēro!



Atuupaan!



Kung'eetee aniinee kitas
taay, ānāmwoon piich.




Kiiwō :Yēesu nkōō kiineetanichiich
 kāmōōs tōkōl chēpō Kalilaaya
 kumwoochi :piich akipō pāyuunātoō
 Iriin. Kiisoop piich choo
 kiimnyoonchootēēn aku-oon
 tōōmirmiir chaa raacheen. Kiituup
 :piich chaa chaang' inyeentee,
 kiipkoonēē :walak kōōrootin walak
 kupkoonēē :walak Chēērusālēēm
 nyoo nkanasa nyoo oōw nyēpō
 Israyeel kupka kuteer
 ng'aleechiich...




Āpēēruuroot :akwaan choo āmoong'uuy Iriin,
 āmu nyoong'woong' Pāyuunātoō kaa Iriin.


Pēēruurootēēn :piich
 choo wāsēy iman, āmu
 nyōōruuy kiyoo mārēy.



Āpēēruuroot :akwaan choo
 āriirsōōt paannyēēnyi, āmu
 āpāypāyituuy.



Āpēēruuroot :akwaan nēē
 sasaak :piich walak
 akutayaak, akumuulook
 akung'am kaariikwook akipō
 aneen. Nēē ku-irwaak kilēē
 nyoonēē, āpāypāyituuy āmu
 mii :mālāk nyoo oōw nyoo
 kiikuusiintoowook :Iriin nkōō
 kipsēnkwēt.





Ā-irchii piich walak kilēē wōli āmārtooy /kee-irwaak.

Chiich aka tōkōl nyoo keero cheepyooso aku-āmchi ng'at koong', ku kaakusiir karwa nkōō mukulērtanyiin.



Kimaa-iim keey akipō āsuun. Awasa kupōk Pāyuunātoō Iriin nkōō kiyoō mārēy inyeentee sikutuup :tukun walak.



Achama puunikwook ākoosoochi akwaaneek.

Koontāng'uung' kilēē taayit nyēpō pōōrtāng'uung'. Nēē karaam :koontāng'uung', iting'ēy lēpooyin nkōō wōlpō or. Ku nēē makaraam, imii tuurin nyoo oōw.



Chiich aka tōkōl nyoo tēērēy ng'aleechuuch akutuup, ku karkeey nkōō chiich nyaa ng'oroom nyoo kiiteek koonyiin raat parak. Chiich aka tōkōl nyoo tēērēy ng'aleechuuch amatuup ku karkeey nkōō chiich nyoo lēē sālwo nyoo kiitēēchi koonyiin asyaak.



Āriip keey. Amaa-ir ng'al choo kāroomēēn nkōō taayuu piich kilē /sikeerootook.

Moomii :kipāyityoon nyoo muukēy kupāyiisyēēchi mōkōrō ārēeny. Konyuun, mēēmuukēē /kēētuyō pāyiisyoō Iriin nkōō ng'alēēpō rōōpiyō.





Kii nēē mii pērēētuu akoong'o, kupka :piich akuurumchi
keey kōyi kiimii :Yēesu nkōō Kaaparnaam...

Moomii wōloo
kipuntoorēē
sikeepē or.

/Kuurēētooy inyeentee
kipuntoorō kēsūyēp nkōō
kiptaraancheenyiin.



Kālē nee sikumwa
kilēē nyoonēē?

Kā-āp keey im kilēē yoo
Iriin :inyeentee sōō?

Ng'oo nyoo muukēy kunyōōchi
piich kaat ng'ōōkiikwaak nēē
mā Iriin kipaat!



Kuskus /keemwa kilē,
'Kaakēēnyōōwuun kaat
ng'ōōkikiuk' ntā /keemwa
kilē, 'Ng'eeta akiiwō?'




Nee :nyi
mii parak?


Āmētēē! Ting'ēy :choorwayichu
kaarana nyoo oōw.



/Kaakēēnyōōwuun
kaat ng'ōōkiikuuk.

Ting'ēy :Meesaaya, kaamuuka
kunyōōchi piich kaat
ng'ōōkiikwaak. Aku nyuun
āmwoorēy kuureer kilē, "Ng'eeta,
āpō kiptaraancheeng'uung',
akiwēēchi keey!"





Iman
kwōng'uut
chu!

Ēē, koosop!
Kōōnkēy
Yēesu.

Roo muukēy
kuwō!

Kii-ir :Yēesu tukun chaa chaang' choo kāroomēēn. Kiing'alaal nkōō ng'ōrōōmnyō nkōō kaamuuka. Kiing'uutu riireena nkōō kāroomnyō, wōloo nyuun moopāypāychi :piich tōkōl ng'aleechiich. Kiituup :koontōōy chēpō Yāwuut Yēesu kimārēy kuuro nēē tuupēy ng'ātuut chēpō Sapaato. Nkōō kōōroo Israyeel ku kiimākuchāmchinii chiich aka tōkōl ku-ir pāyisyo nkōō pērēētuu Sapaato.



Mii yi :chiich nyoo kiirarak :ēēru. Ara chāmēy :ng'ātuut /kēēsoop chiich nkōō pērēētuumi pō Sapaato?



Chuula
ēēruung'uung'.



Puurēērē! Kyoosop.



Nyoolchinii /kēēmwoochi koontōōy choo mii Chēērusalēēm kilē pootēy :chiichi kōōrēē.

Kiilaang' :Yēesu nkōō kiineetanichiich
mēēli nkōō araaraypō Kaliilaaya.





Kiptaayaan,
sār wēech. Kimii
kēerookēy.



Āmu nee soowāriisyēē nyoo
tēēnō nyi? Mooting'ēy
:akwaan kaarana?



Kung'eet :Yēesu akuupkoong' yoomēē kusiis
akumwoochi pērēek kutālāyīituuy. Paani kamwa kilēē
nyoonēē, kusiis :yoomēē akutālāyīituuy :pērēek.




Kiirāti mēēliing'waang' tapan nyēpō
kamasta nyiinō. Wōloo nyuun kiichār
:kiinchō nkōō wōlpō tulwēy...



WUUY!
WUUY!
WUUY!





Mii yi :chiich nyoo māng'ootēy
kēpēnoot akuting'ēy
toomirmiirēy chaa raacheen.



Ānyoon!
Wuu-uuy.

Mii kuchōōnēy!



Ēē, Yēesu.



Yēesu!
Wēeroo
Iriin nyoo
Tōrōōr,
imārēēnoon
nee?


Wēērēē chiichi,
toomirmiiryooni
ra.







/Kikuurēēniin ng'oo?

Kanyeech keepee keechuuta
nkurwēētiinēchuuchō.

/Kikuurēēnoon
'Luk' āmu
kichaang'.




Apee!





Kyoochōōn si nēē ng'at a-ir kiyoo māārēy
 :Paapaan nyoo kiiyookwoon. Mēēlē
 kyoochōōn taa-ir kiyoo āmārēy.




Kii ātēp nyēpō Yēēsu kuwēēchinii keey
 wōloo kiimālēēkitēē :chiich, akuwō kisa.




Kii nēē waang' :Yēēsu kusooyēy
 lang'a kuyyeech kulēwēn
 kiineetanichiich taman nkōō ārēēny.
 Kiiyooytō kupeera ārēēny ārēēny
 akuutō kaamuuka ku-on toomirmiir
 chaa raacheen akuusoop kōrōōytiin.



Choochēē ku: Pēētērō nkōō
 wēēriing'waang' Antereeya...




Chēēmis nkōō
 wēēriing'waang'
 Chowaana...



Pilip nkōō Partolomeeya.


Toomaas nkōō Mataayo nyoo
kiikwāriintoo kōōti chēpō
kōōroo Rooma.




Tataayo nkōō Chēēmis
wēēroo Alpaayō...



Tataayo, Siimnyōn nyoo kii
murēn nyēpō pooryoot nkōō
Chuutas Iskaryoot.



Apee! Chiich aka tōkōl nyoo
kataakaak ku kataakan, aku
nyoo kataakan ku kataak Iriin
nyoo kiiyookwoon.



Kiiwāroochō :kiineetanik taman
nkōō ārēēny paani kiiku-ama
Lōkōōy choo Kāroomēēn
kupāypāyō. Kii-ir kilēē wōli
kiimwoochi :Yēēsu. Kiimārēy
:Yēēsu kuwō wōloo moomii
:chiich nkōō akwaaneek, wōloo
nyuun moomētō :piich
akwaaneek.

Chang' :pareek, wōloo nyuun
ng'ērīn :kāsiik. Kunyuun, āsoomō
:Chiipō paree kutāsu kāsiik walak.



Kiitas taay :Yēesu ku-ama akuusoop piich. Wōloo nyuun kiituuriit kōōrēē...

Pilip, /kinyōōrchinii
ānō āmiisyō choo
kupāyēē pichu tōkōl?

Mākiting'ēy :achaan
nyuun rōōpiyō choo
yāmēy /kēē-ālchinō
pichu tōkōl āmiisyō.


Mii yi :kaarāchiiniin nyoo ting'ēy makatiin
muut nkōō kaaraak ārēēny choo
mēnkēēchēēn, ara yāmēy :choochēē
/keepaya pichu tēēnō chu tōkōl?

Āmwoochii :pichu
kutēpi ng'wēny
kupeera konom konom.

Kiimwoochi :Yēesu
Iriin kōōnkēy...

Kiitas taay kuchar
makatiinak nkōō
kaaraakik.

/Kiikipay piich choo lēē ēlupuus aku kiimii :Yēēsu kutāsēy taay ku-irēy āmiisyēē kuchaang'iit.



Nyoolchinii kēēloochi :achaan inyeentee kulēku pāytooyiin.



Man, nyi ku Meesaaya nyoo /kiikimwoorēy kilē chōōnēy ng'wēny.

Roo! Mii kitaseen taman nkōō ārēēny choo kāng'ētu!



Kaakuyam kupēēchi keey :pichu kēēstonikwaak. Kuniyuun alaang'a mēēli akaatilta araaray apa kamasta nyiinō. Āng'ētuunēē :aneen tulwooni si nēē ng'at asaa.





Kii nēē
kaakutuuriit.


Kiptaayaan, nēē
inyēēn iman,
imwoorwoon
amana pērēēk
parak āchō
wōloonēē imii
:inyēēn.

Pēētērō,
chōōnō
naas.



Kimoowāriis
yō! Aneen
:nyēēnyi.

Wuuy!
Ānyoon iilat!



Kiptaayaan,
sārwoon!




Pēētērō, āmu nee
simēētiirēēnoon
keyy?

Mii :piich choo mārēy kuuloochi
 Yēesu kulēku pāytooyiin.
 Kiipkootēy kilē nēē payta
 :inyeentee ku-istooy pāyuunāt
 nyēpō piipō Rooma. Mpō ntā
 kiitoorēt piich chaa chaang' ku
 kiipkootēy :koontōy chēpō
 Yāwuut kilē kāput ng'ātuut.
 Kiipiir piich :akwaaneek kilē
 sikupar inyeentee.



Kiptaayaan,
 kee-itu āyu
 wōli?

Ara, āmii :akwaan
 āwāsoon akipō
 makatiin choo
 kookōonook?



Kimaawas āmiisyō nyoo
 rookēy, awasa āmiisyō nyoo
 kōōnuuy sopoon nyēpō ākōy.




Aneen āmiisyō nyoo
 ākōōnuuy sopoon.
 Ākōōnuuy pōōrtanyuun
 sikusop :ng'wēnyu.



Muuytooy ānō :chiichi
 kukōōnēech pōōrtanyiin
 kee-ama?

Sālwoonti chu kipaati!




Kēēpēēchi
 keyy.

Mēlmēēlēy
 :chiichi kipaati
 chiich aka tōkōl.



Āmārēy mpō
 :akwaan
 āmētoon, sōō?

Kiptaayaan, kipēētii :achaan ānō?
 Nkanyi iting'ēy :inyēēn ng'al choo
 kōōnuuy sopoon nyēpō ākōy.




/Kēepārēy piich nkōō Chēērusālēēm kunyil chaa chaang'. Kiipārēy
chiich :piipō Rooma kuukār kootēy, kir nyaa kiing'waan.



Chiich aka tōkōl nyoo mārēy kutuup
ng'aleechuuch, kutay kiyoo mārēy
:moonyiin, akucham /keenyaril akipō
aneen, akuchō kutuupkaan.

Chiich aka tōkōl nyoo mārēy
kusāru sopoontanyiin, kuupootēy,
ku nyoo kēētētō sopoontanyiin
akipō aneen, kusāruuy.



Āmārēy āsōwu kilē,
Kiptaayaantēnyoon
Iriin ku akoong'o.

Kir nyēpō koomānuut ku icham Iriin
Kiptaayaantēng'uung' nkōō moong'uung' tōkōl,
akiicham piich walak kilēē wōloo ichāmtooy keey.




Nkōō kōōroo Israyeel, piich choo kiimnyoonsōōt nkōō
kōōnchōryoon ku /kiikuurōōtēy kilē piich choo mātiliilō, aku
/kiimākichāmchinii kuriik wōloo mii :piich.



Kii nēē mii kupēētii :pichoochēē
ting'ēy kōōnchōryoon ku
kiipōloopōlēy si nēē ng'at kuyeet
keey :piich.

Kōōnchōryoon!
Kōōnchōryoon!



Yēēsu! Kiptaayaan,
riireeneech.






Apee āng'uutii
keyy tisik.



Kipa wōloo mii :tis
sikuchikileech?

Nēē ki-ir kilēē
nyoonēē kēēsopyō?



?

!




Roo! Koosop.



Kaakēēsopyō!

Ēē, āmuukēy
:aneen nyuun
amanaata!



Karaam :Iriin!
Loosuunoot Iriin.
Kōōnkēy!



Mā kā taman :pichu
/kākuusoop? Mii ānō :chu lēē
sokool? Kālē nee simapka
kulēēchi Iriin kōōnkēy?



Ng'eeta akiiwēēchi keyy.
Moosopin
:kaayaneeng'uung' kipa
aku nyuun kāsāruun mpō.


Kiiyooytō :koontōōy
chēpō Yāwuut nkōō
Chēēruusālēēm piich
kupa kuteer kiyoo
mwoorēy :Yēēsu.
Kiimārēy kunyōōru
ng'ālyoon nyoo
toomchinii Yēēsu.

Nāmēy keey :Yēēsu nkōō piich choo mākāroomō :ātēpuutēkwaak kilēē
cheepaykeeyiin nkōō kwāriipō kōōti choo irchinii kōōroo Rooma pāyit.




Kiisooop :Yēēsu piich nkōō
pērēētuu Saapaato nkanyi
/kiimākichāmchinii chiich ki-ir
pāyit nkōō pērēētuni...

Kiichāmēy :inyeentee
laakōōy kitya...



Sopo!



/Kiikuyoochi Yēesu kuut kuwō
Peetannya, kōōr nyoo
kiilēekitēē Chēerusālēm. Kii
choorwoo Yēesu Lasaaro nkōō
chēētong'waang' Marta nkōō
Maaryaa, wōloo nyuun
kiimnyaanaat :Lasaaro. Paani
kii-it :Yēesu Peetannya kuteer
kilē /kiikitup Lasaaro nkōō
pērēētuous ang'wana choo
/kaakisiirtō.



Kiptaayaan!

Kiptaayaan, ntā kēēmii
:inyēēn yēēnyi, ntā
kāmāmēērēy :wēēriinyoon.



Marta, ng'ēētēē
:wēēriing'woong' meerat.



Ānkēt :aneen soonyeen
kilē ng'ēētēē meerat
pērēētuumi pō lēt.



Aneen nyi āng'ēētēē piich
meerat ākookōōnuuy sopoon.
Chiich aka tōkōl nyoo rānoon,
kunyōōruuy sopoon. Marta,
irānēy ng'aleechu?




Lēē nyoonēē Kiptaayaan.
Ārānaa kilē inyēēn
Meesaaya Wēēroo Iriin
nyoo kiichōōn ng'wēny.




Kootupchi ānō?

Kiptaayaan,
chōōno roo!







Kiinam :koowāriisyō koontōy chēpō Chēerusālēm
akipō Yēesu nkōō kiineetanichiich.




Nku mii :chiichi ku-irēy ng'al cha
chaang' chēpō kwōng'uut!

Nēē kimētō :achaan ng'aleechu
kutas taay ku-irēy :piipō Rooma
kir nyoo kōrōōm.


Woong'ēy kōōrēēnyoon
nkōō piichooch.

Āpāyiisyēērēē
mētēwēyiikwook. Moorōōtēy
:akwaan kilē kaykay kima
:chiich akoong'o akipō piich
kusiir kurook :kōōrēē tōkōl?




Nyoolchinii nyuun
/keepar Yēesu.

Kung'ata pērēētuunoonē,
kuwas :koontōy chēpō
Yāwut wōloo nāmtooy
Yēesu sikuutō piipō Rooma
choo ting'ēy kaamuuka
kuurwoochi inyeentee
akupar.



Kiimii :tuum Peetannya...




Maaryaa!



Pō :mwaari rōōpiyō
chaa chaang'.




/Kātāki-āltōoy
mwaari /akēētō
mēēy rōōpiyēēk.





Chuutaas, mētēē
cheepyoosooni. Kir nyoo ka-ir
:cheepyoosooni ku kāroonchi
mwaar pōōrtanyuun kuchēp
akipō pērēētūuni kutupoon.


Kiikiikulēēkitiit :tuum nyēpō Pasaka. Kiimii
nyuun :piich chaa chaang' kunāmēy paan
kupēētii Chēerusālēēm.



Nkōō Chēerusālēēm, ku kiimii
:koontōōy kuchēpēy wōloo
nāmtooy Yēesu. Mpō ntā lēē
nyoonēē ku kiitas taay :Yēesu
nkōō paantanyiin ākōy ku-it
nkanasaa Chēerusālēēm.



Kiipō koomānuut kōpō Iriin
āmu wōloonēē wōli
/kiikikutunchinēē Iriin.



Nkōō pērēētuu tuum nyēpō
Pasaka ku /kiikiyēng'ēy
waawaa keecha.



/Kiikuutētooy nkōō kōpō
Iriin waawaa keecha kilēē
kōrōsyoon nyoo oōyēyii
piich nkōō Iriin.





Waawaa keecha nee :nyoo
muukēy kuunyōōchi piich
kaat ng'ōōki?



Nkōō piriiruu kōpō Iriin ku kiimii
:piich ku-āltooy aku-āliisyēy.



Kuchō :Yēesu
wōloonēē...




/Kikuurēē koonyuun
kōpō saayeet, nku
kaa-ir :akwaan kilēku
kēpēnoo chōōr.



Kōrōōm chiichi! Akutēērēy
nyuun :chiich aka tōkōl
ng'ālyoon nyoo mwoorēy.



Nyoolchinii nyuun keewas
wōloo kupārtooy inyeentee.




Nēē kuumēlmēēl /kēēnyōōruuy si nēē ng'at /keeper.

Mānyoolchinii /keenam chiichi nkōō pērēētusyēchu pō tuum āmu mākimārēy :achaan riiri nkōō pērēētuu Pasaka.

Kir nee nyoo ākōōnoon nēē āchēpkwook oor anam Yēēsu?

Nyoonēē ku Chuutaas Iskaryooti nyoo kii kiineetan akoong'o nyēpō Yēēsu.




Āng'uutwook Yēēsu!



Kikōōniin peeta sosom nēē chēpwēēch keenama Yēēsu. Rōōpiyēēchu ku kiiyāmēy /kee-ala oōtwōōkiin.



Kitoomō ku-itu pērēetuu
 Pasaka ku kii-āmchi :Yēesu
 piich lākōōy choo kāroomēēn.
 Kiimwoochi akipō meereenyiin
 nkōō wōloo mwērēē :piich
 inyeentee. Wōloo nyuun tāsēy
 taay kung'uutinii piich
 choomnyoot. Kiimwoochi
 :inyeentee Pēētērō nkōō
 Chowaana kupa kuchēp
 āmiisyō nyēpō Pasaka.



Kii nēē mii kosoliny kutuuyō :Yēesu nkōō
 kiineetanichiich 12 nkōō nkanasa aku-am
 āmiisyō nyēpō Pasaka.






Kyaamar :aneen kulōōwiit kilē taa-am nkōō akwaan āmiisyō nyēpō Pasaka kitoomō anyaril.

Mārēy :pāytooy kupāyiisyēēchi :piich akwaaneek. Mēērookēē nyuun ālēkuu :akwaan choochēē.

Inyeentee nyoo lēē kipāyityoon nyēpō piich tōkōl nyoo chōōnēy kulēkuuy koontōōyiintēēng'uung'.



Āmii kwēēnuung'woong' kilēē kipāyityoon.




Kiptaayaan, imārēy iwuun kēēlyēēchuuch?
Acha, mēēwuunēy kēēlyēēchuuch pēsyeēt!

Nēē moowuun :aneen
kēēlyēēkuuk ku maakuumuukēē
ilēku kiineetaneenyuun.



Kiptaayaan, nēē lēē nyoonēē nyuun, ku
mēēwuun kēēlyēēchuuch kipaas, iwuun
mpō mētinyuun nkōō ēēruunēchuuch.

Chiich nyoo
kaakuuwuun
keey, ku tiliil
:chiichoonēē.
Mārēy kipaas
/kēēwuunchi
kēēlyēēchiich.




Ākuuroon kilē, 'Koonēētiin' nta kilē
'Kiptaayaan.' Iman lēē nyoonēē āmu
aneen nyoonēē. Kilēē paani
koowuunwook kēēlyēēn, ku āmārēy
nyuun āwuunchinii keey kēēlyēēn.



Mii :akoong'o
nkōō akwaan
nyoo āltooyoon.


Ara aneen?

Ārō!



Chuutaas, ira kiyi
imārēy kilē weel.






A-ira kilē nyi pērētuus tōkōl saapkaateenaan.



Nyi ku pōōrtanyuun, a-ama.



Aree tiipaayichu, kērētiichuuch :chu chēpō miis nyoo rēel choo /kitārtooy akipō akwaan /sikēēnyōōwook kaat ng'ōōkiikwook.



Ng'ātuut nyoo rēel nyoo ākōōnook ku nyi: Āchoomnyēē kilē paani kyaachamaak.



Nēē āchoomnyō, kusōwuuy :piich tōkōl kilē akwaan kiineetanichuuch.



Kiptaayaan, ātuupin wōltō aka tōkōl. Āchāmēy mpō ama akipō inyēē.



Pēētērō, āmwooruun iman kilē, kutoomō kuchēr :kipsōōywō, itāyēy āsip sōmōk kilē mēēnkētoon.

Kii nēē mii ooro kuwēērō :Yēēsu nkōō kiineetanichiich nkanasa, wōloo nyuun kiimoomii Chuutaas.

Āmētooyook, wōloo nyuun yookwook :Paapa Toomirmiir nyoo Tiliil.
Toorētōok :Toomimiiryoononēē akumii nkōō akwaan pērēētūus tōkōl.

Ānkēt :akwaan aree nyoo wēētii wōli āwēētii :aneen.

Aneen :aree, iman nkōō sopoon. Moomii :chiich nyoo wēētii Kaa Paapa kimoopunuunēēnoon.

Ātēpii yi. Āmārēy āwō tapan kiitēēn asa.

Apoo! Muukiisōōt :tukun tōkōl nkōō wōloo imii :inyēēn, naayteeree nyarili nkōō wōloo āmii.

Aku nyuun, kimee-ir kilēē wōloo āmārtooy, i-ir kilēē wōloo imārtooy.



Toonii āruusōōt nkōō saayit nyoo kōrōōmō :ng'ala kilēē nyi? Āng'ēētyēē keepee. Aroo kee ānyi kaaku-itu :chiichi āltooyoon.



Chiich nyoo ātēnii aasak ku nyoonēē, anam.



Aasak, koonēētiin.

Chuutaas, imuukēy iman i-alta Meesaaya nkōō taakwees?



Kiptaayaan, kipooryēērō?



Acha, āmētēē.



Kiichamta keey :Yēesu /keenam. Kiiryata nyuun :kiineetanichiich kupēēchi keey.

Kunam :pichoochēē Yēesu akuumut ākōy kaa Tisiintēē nyi Ōōw, nyoo kiiryoonchinii koontōy chēpō Yāwuut. Kiituup :Pēētērō nkōō Chowaana inyeentee nkōō ripaarip.



Kiillepta keyy :Pēētērō ākōy ku-it piriiruu kaa Tisiintonoonēē Ōōw.



Mā kiimii :inyēēn mpō nkōō Yēesu?



Mētēē ng'alēēkuuk, moonkēt :aneen chiichoonēē.

Mā :inyēēn akoong'o nyēpō pichu?



Acha! Ma :aneen.

Iman, kiimii :inyēēn nkōō Yēesu, āmu pō Kalilaaya!




Wēē, moonkēt kiyoo imwoorēy.



Kuuku--
kuu-kuuu.



Kiilapa koong' :Yēesu
koong' Pēētērō...



Ng'oorā kee, ng'oo
nyi kalapin?



Kii nēē wō kuyeech :kōōrēē, /keemut
Yēesu kōōkwō nyoo oōw nyēpō Yāwuutik.

Ara :inyēēn Wēēroo Iriin sōō?

Lēē nyoonēē.




Kāmuul :chiichi Iriin! Yāmēy
kima. Kanya kuurwoochi
:piipō Rooma inyeentee.

/Kiikumutu Yēesu taayuu Pilaato. Kiipiiir :koontōy pichu
kiirōōtēy /kēēnāmēy inyeentee. Kiipōl nyuun :pichoochēē
akumwaartaara inyeentee ng'al chaa chaang.



Moomii :kiyoo iwāluuy akipō
ng'aleechu raacheen
mwoorēy :pichu kilē kee-ir?



Kee-ir
:inyēēn
nee?

Kyoochōōn ng'wēny
si nēē ng'at aneet
piich ng'ālyoon nyēpō
iman.






Iman ku
nee?



Moonyōōru :aneen kir aka tōkōl
nyaa ra nyoo kii-ir :chiichi. Aninee
Tuumpō Pasaka. Ara āchāmēy
ātyooytoowook Paraapa nta
pāytooyiintoo Yāwuutik?








Aroo nyuun!
Ānyi chiichi!

Karkaata!

Karkaata!

Karkaata!





Kiitur māwuri :Pilaato /keepar Yēesu.
Kiikalap :Yēesu nyuun kimurtooyoon
kupuntoorō oortin chēpō Chēerusālēem.

Ārii yi /kiikuukārkooteē piich ku
kii saang' nyēpō nkanasa.
/Kiikikuurēē tulwoononēē
Kolkoota nkōō kuutii Yāwuut
nkōō kaarinee aka ku
/kiikikuurēē Reenkeesyaa mēt.



Yēēnyi yi kiipārchi :askari
Yēesu kimurtooyoon.



Paani kateer :Chuutaas kilē
/kiikeetil /keekeet Yēesu,
kung'woonchi :inyeentee kiyi ki-ir.




Kaa-ir
:aneen
ng'ōōki.


Kaa-alta chiich nyoo
māting'ēy lēēluut.



Māpootēech
:ng'aleechoochēē,
pootēen.



/Kiikuukārkootei Yēesu
kimurtooyoon kitas keyy nkōō
chēēlōsōōstiin ārēēny.



Apoo, nyōōchii kaat
pichu āmu mēēnkēt
kiyoo irēy.

/Kiikisirchi ng'aleechu kimurtooyoontēē nkōō kuutiway sōmōk kilē, “Nyi ku Yēēsu pāytooyiintoo Yāwuut.”



Kiitay :Yēēsu kura saakit choo woong'ēy ng'woonin.




Kii-istō :askari sēkēēr sikuchārchi keey siroopō Yēēsu.



Mā kiisāru :inyēēn piich walak?

Nēē :inyēēn wēēroo Iriin oo, ku nee mēērēkuunō kimurtooyoon?

Mēēwārēy :inyēēn Iriin teemwaara ng'al choo lēē choochēē? Rookēē kēēnyōōruu :achaan ng'woonin akipō ng'al choo kiikee-ir, wōloo nyuun nku maa-ir :chiichi kir nyaa ra.



Sāru keey naas, akiisār wēēch.



Yēēsu, iriireenaan paani kēēwō kaa Iriin.

Āmwooruun iman kilē āwētii aniinee nkōō inyēēn Paratisō.

Kiichō :tuurin pērēēt nyoo kiikar
kōōrēē tōkōl, kung'eetee saayit
lo ākōy saayit sokool.



Kiimii :Maaryaa eeyaa Yēesu
nkōō Chowaana nyoo kiineetan
nyēpō Yēesu kuuryoong'ēē
tapan nyēpō kumurtooyoon.

Kumwoochi eeyeenyiin kilē,
“Nyi ku wēēriing'uung',”
akumwoochi
kiineetanaanoonēē kilē “Nyi
ku eeyēēng'uung'.”



Iriinteenyuun,
Iriinteenyuun, āmu
nee siimētoon?



Ka-aman
:maral.



Apoo Iriin! Kootō
toomirmiiryeeenyuun
ēēruunēkuuk.



Kaa...kuu...
woonyō.

Kiima :Yēesu saayiit sokool nyēpō
pērēēt. Kiinam :āskāriin akoong'o
ng'otinyiin akutoor Yēesu karaas.
Kipkaana :kērēti nkōō pēr.



Mwoorēy :siruut kilē,
“/Kiikuurēētō kilēē keecha
nyoo kipa /kēēyēēng'ēy.”



“/Kiikipar akipō
choolwookiichooch.” Aku
nyuun paanyēēnyi ku kiikima.




Nyi ku Meesaya nyoo
/kiikikānyōōnuuy nta acha?



Keepee kēēsoomō
pōōrtanyiin
sikeepēe kēētupō.



Kiiwō :Chōōsēp nyēpō Arimateeya nkōō Nikōtēēmō
akung'usu pōōrpō Yēesu nkōō kimurtooyoon. Kiinam
anka akurata pōōrpō Yēesu akuusiintoochi
pōōrtanyiin kēpēn akukara kor kēpēnēē.



Kii nēē kaakusiirtō :pērēētuu
Sapaato,tēēnō kēērir :kōōrēē,
kupa chēēpyōōsōōy choo kii-
iimēy keey wōli mii :kēpēnēē.




/Kiikeemilta korta!

Āmu nee saawasa nyoo sopoot
nkōō wōlpō choo kiikumēērō?
Kiikung'eet. Apee āmwoochi
kiineetanichiich.





Kii nēē teer kilēē nyoonēē
:Pēētērō nkōō Chowaana
kumwēr ākōy
kēpēnoononēē.



Kāchō nee?

Moomii :kir
kēpēnēē!





Nkōō pērēetuunoonēē ku kiimii
:kiineetanik ārēēny choo
kiikiikumēērō :moontin kung'āloolēy
nkōō chiich nyoo kiisiirtooy akipō
wōloo /kiikiparta Yēēsu...

Koo toomō aran :akwaan tukun tōkōl choo kiikumwooru
:ōōrkooyiipō Iriin? Ara mānyoolchinii kunyaril :Meesaaya
akipō tukuuchochēē si nēē ng'at /kēētōrōōr inyeentee?
Mii :ng'aleechu tōkōl siruut chēpō Iriin.


Paani kāpuutil makatyaan
akuutō akwaaneek, kupēt
:chiichoonēē nkōō
taayuung'waang' kilē wirwir...

Kung'ēētyō :pichoochēē kilē weel kupa
kunyōōru kiineetanik nkōō Chēērusālēm.

Keero mpō :Maaryaa
nkōō Pēētērō!

Wōloo nyuun, koo
kii :Yēēsu nyoonēē.

Kaakeeroo
Kiptaayaan!




Kilē weel...


Ānyōōruu
kaalya.

Moorānēy :akwaan
kilē aneen nyēēnyi?
Aroo kee
ēēruunēchuuch nkōō
kēēlyeechuuch!

Inyēēn :Kiptaayaanteenyuun,
aku inyēēn :Iriinteenyuun.



Paani kiing'eeta :Yēesu
meerat, kuchō kung'uuti keey
kiineetanichiich āsip chaa
chaang' nkōō pērēētūus
artam. Nēē ng'at, kuchō
kung'uuti keey tuupchēēnik
choo lēē pokol muut nkōō ārii
akoong'o. Kii nēē mii pērēētūu
akoong'o kupa :kiineetanik
kunam karaak nkōō araaraypō
Kaaliilaya...





Pēētēro,
ichāmoon
iman?



Kiiteep :Yēesu Pēētēro
tēēpuutyooni āsip sōmōk...



Ēē Kiptayaan,
inkēt :inyēēn mpō
kilē āchāmiin.

Riipō nyuun
kēēchiirēchuuch.



Tuupaan!

/Kiikēēkōōnān kaamuuka nkōō parak
nkōō ng'wēny. Apee nyuun a-ira piich
nkōō kōōrootin tōkōl kulēku
tuupiichuuch, akaapaatiisan nkōō
kaarinaa Paapa, nkōō nyēpō Wēērii,
nkōō nyēpō Toomirmiir nyoo Tiliil.
Aneeta pichoochēē ku-ir kir aka tōkōl
nyoo kyaaneetaak.



Āsōwuu kilē āmii :aneen nkōō akwaan
pērēētus tōkōl, ākōy lēt nyēpō ng'wēny.

Kii nēē rook kumwoorēy
kilēē nyoonēē, kuwēērō
ng'wēny /akēē-āp
kipsēnkwēt. Wōloo
nyuun kiimwa kilē
wārākēē kuchō
kuurwoochinii
ng'wēny...

Kii nēē wō :Yēēsu kipsēnkwēt kung'ētū :kiineetanik kusooyēy. Kii nēē rook pērēētūus choo lēē konom, kuchōōnchi :Toomirmiir nyoo Tiliil akwaaneek. Toomirmiiryoononēē kiimii or nyēpō Yēēsu ku nyi māng'ēy kiineetanik nkōō akwaaneek choo rānēy inyeentee. Kiineetanik chu āmtooy akipō Yēēsu, si nēē ng'at kuteer :piich chaang' akipō inyeentee...

Maamuuk :meerat kurat Yēēsu. Kiing'eeta :Iriin inyeentee meerat aku-ir kulēku Kiptaayaan nyēpō kiptaayiin.



Kiipa :kiineetanik ng'wēny tōkōl mpō ntā /kiikisas akwaaneek.

Yēēsu ku wēēroo Iriin! Kuumuukēy :achaan kēēlēku mpō laakōōpō Iriin.




Lōkōōyiichu kāroomēēn ku /kiiki-amta mpō kupunuunō parway.

Kii-āp :Yēēsu ng'ōōkiichooch paani kiima nkōō kimurtooyoon. Kilēē nyoonēē nyuun kuumuukēy keetay ng'ōōki kung'eeta aniinee kutas taay akēēmāng'iisyō sopoon nyoo lēē nyi mār wēēch :Iriin.



Nkōō pērēētūusyēchwēēchu kutuusoot :akwaaneek choo rānēy Yēēsu nkōō ng'wēny tōkōl sikusa akusooman Lōkōōy choo Kāroomēēn. Ng'utinii keyy choomnyoo Iriin, nyoo mii or nyēpō mukuuliiriikwaak akuchāmēy mpō puunikwaak. Puutulēy makatyaan, akura tipaay kuupkooti keyy kilē /kiikēēnyoochi kaat ng'ōōkiikwaak.

Kupunuunō Yēesu
kuumuukēy :piich
kumāng'iisyō kilēē
paani māreŷ :Iriin.



Chāmiin :Yēesu.
Loosuu inyeentee
akiimwoochi kōōnkēy.



Kiicham :Iriin ng'wēny kitya ākōy
kukōōnu Wēēriinyiin nyoo kii lēē
akoong'o kipaāt, simāpēt :chiich aka
tōkōl nyoo rānēy inyeentee aku
tākunyōōru sopoon nyēpō ākōy.

WILLEM DE VINK

Paaypōl

/Kiikisirchi Paaypōl ng'al akipō Yēēsu. Moomii :kiitapu aka nyoo /kiikeesoman kunyil chaa chaang' kusiir Paaypōl. Ting'ēy :Paaypōl kiitapuus chaa chaang' aku kii-āp kēnyiis 1500 /kēēsirēy kiitapuunēchwēechu. /Kiikuuwaang' /kēēsirēy Paaypōl lēēkit kēnyiis 1900 choo kiikusiirtō. Mii :kiitapuuni ng'ala choo ng'uloong'ulēy choo mwooruuy akipō wōloo kii-irta :Iriin pāyiisyeenyiin nkōō sopoon nyēpō piich. Ng'uutuuy kukaraam :ng'alēēpō Yēēsu nkōō pāyiisyōōnichich kilē ng'oo Iriin.


LŌKŌŌY CHOO KĀROOMĒĒN AKIPŌ YĒĒSU

Mii :kiitapuun choo lēē ang'wan choo mwooruuy akipō sopoon nyēpō Yēēsu. /Kiikuuutō kiitapuunēchu kaariipō akwaaneek chu kiisirēy. Kiimāng'iisyō :siriichu tōkōl pērēētus chēpō Yēēsu.

Mataayo- kiineetan nyēpō Yēēsu. Kii-irēy taay pāyiit nyoo kwārēy kōōti. Mwooruuy :inyeentee kukaraam akipō wōloo kii-irta :Yēēsu pāyiisyeenyiin nkōō wōloo mii :piipō Israyeel (Yāwuut).

Maarkō- kiitākumanang' :inyeentee paani kii-irēy Yēēsu pāyiisyeenyiin. Kiisir ng'al chaa chaang' kitya akipō kwōng'uut choo kii-ir Yēēsu.

Luuka- ku kii taktaaryaan. Wōloo nyuun mpō ntā kiimoomii :inyeentee nkōō Yēēsu, ku kiisir akipō wōloo kii-irta :Yēēsu pāyiisyeenyiin.



Chowaana- Kii kiineetan :inyeentee nyēpō Yēēsu. Ng'uutuuy kukaraam kilē ng'oo Yēēsu. Yēēsu ku Wēēroo Iriin nyoo kiilēku chiich siku-āp ng'ōōkiipō piich.

/KEENĀMĒY YĒĒSU


Kii nēē manakaat :Maaryaa laakweenyiin
Yēēsu ku kiitoomō /kēē-āp. Kiitā ku
peerkeeyaan, wōloo nyuun kiikiikuchēp
:Iriin kilē pa /kēēnāmēy Yēēsu.

/Kiikiikēēmwooru akipō kwōng'uutyooni ku
lōw kupunuunō kiitapuun choo /kiikisir
kitoomō ku-itu pērēētuuni /kiikinam
inyeentee. /Kiikināmchi Yēēsu kaang'ērēēp
āmu kiimoomii pārooyiin kōpō too.


/Kiimaakinam inyeentee kilēē nyakan nta
ku chiich nyoo tookuunoot.

KWŌNG'UUT CHOO KII-IR :YĒĒSU

Kii-ir :Yēēsu kwōng'uut chaa
chaang'. Mwooruuy :Paaypōl kilē
kiisooop piich choo siirēy 40.
Kiing'uutu :kwōng'uutēchu
kaamuukaa Iriin nkōō
choomnyeenyiin. Ng'uutuuy mpō kilē
mārēy :Iriin kuutoorēt piich aku-ir
akwaaneek kupāypāyiituuy.



MEERAA YĒĒSU NKŌŌ NG'ĒĒTYEENYIIN



Āmu nee sikuma Yēesu? Kunyōorchinii wāluutyēē Paaypōl.

Irēy :piich tōkōl tukun chaa raacheen saayiitiis walak, tukun choo māchāmēy
:Iriin, aku-irēy inyeentee kunareek. /Kikuurēē tukuuchoochēē ng'ōōki. Kārtooy
:ng'ōōki chiich kimālēku choorwaa Iriin.

Āmu, kiimēērcheēch Yēesu, keemuukēy nyuun kēēlēku choorway nkōō Iriin.
Wōloo nyuun, nyoolchinii kēēsoomō nyooyeetaap kaat akipō ng'ōōki choo
kiikee-ir.

Kiing'eeet :Yēesu nkōō meerat. Kii-ir :Iriin inyeentee kuureer kusop, sikung'uutu
kilē ting'ēy kaamuuka kuupēl meerat.

Miitō nyuun :Yēesu nkōō Iriin. Āmu sopēy :inyeentee, kulēkuuy choorwēēnyoon
pērēetuu aka tōkōl. Mārēy kuutoorētēēch kēēmāng'iisyēē nkōō oor nyoo
pāypooyēy Iriin.

SAAYAT

*Nēē imārēy isoom nyooyeetaap kaat akipō tukun tōkōl chaa raacheen choo kii-ir
akiilēku choorwoo Iriin, ku imuukēy isaay kilēē nyi:*

Iriin nyēpō choomnyoot, ichāmaa :inyēēn.

Kiikōōnu :inyēēn Yēesu, wēēriing'uung' nyoo kii lēē akoong'o kipaap.

Kiima :inyeentee nkōō kimurtooyoon akipō ng'ōōki tōkōl choo kyaa-ir.

Āsoomēy inyōōwoon kaat akipō ng'ōōki choo kyaa-ir. Nyōōwoon kaat.

Koonkēy, āmu mii :Yēesu kamastanyuun.

Āmārēy sayiit aka tōkōl ālēku nyoong'uung'.

Āsoomiin itoorētoon āmāng'iisyō kilēē wōloo imārtooy :inyēēn.

Iriichoon pērēetuu aka tōkōl.

Kōōnkēy, āmu kēēwālwoon saayeenyuun.

I-irēy :inyēēn kir aka tōkōl nyoo kiiyoomiis.

INYĒĒN NKŌŌ YĒĒSU

Māting'ēy :ng'aleechu pō Yēēsu wōloo woonchinii keey. Kii choorwa :Yēēsu nyēpō piich chaa chaang', akutāku choorwa nyēpō chaa chaang' ākōy paanyēēnyi. Kiikuwala :ng'wēnyi nyoo maakupēērēē :piich chaa chaang' sikirēy nta ku paraasiin wōloo nyuun pēērēē kariin nkōō ntēkēēn, mpō ntā lēē nyoonēē ku māwālēy kir :tukuuchochēē nkōō taayuu Yēēsu. Mii :Yēēsu kupootēēch mpō aniinee. /Mākuumuukēy keero inyentee, wōloo nyuun mii. Mārēy :inyeentee kulēku choorwēēng'uung' aniinee, nēē teer akiicham.

Ara, imārēy :inyēēn isōwu kukaraam akipō Yēēsu nkōō sopoon nyoo mār wēēch inyeentee?

Nēē lēēyoonēē ku imuukēy i-ir tukuuchu tuupēy:

1. Toowuu sōmānchii keey Paaypōl (Imuukēy itoowuunō isooman kiitapu nyoo kiisir :Luuka).

2. Neeta keey isaa (ng'alaala nkōō Iriin akiiteer inyeentee mamaraat ipāyiisyēērō ng'al choo ēēchēēn).

3. Mwoochii piich walak akipō Yēēsu nkōō Paaypōl. Mārēy :Yēēsu tuupiichiich kutuuyō tōkōl akucheer keey, nēē mii kutāsēy taay kuunēētēy keey akipō inyeentee.

Translation by: Bible Translation and Literacy (E.A)

Translators: 1. Michael Yano

2. Evans Kiptoo

3. Paul Kanda

e-mail: marakwet@btlkenya.org

P.O Box: 44456-00100, Nairobi, Kenya

Website: www.marakwetlanguage.com

Text and illustrations: Willem de Vink Copyright © 1993 Stichting Wereldtaal, Houten, The Netherlands. Published in Dutch as "Jezus Messias".


Edition in Marakwet (Kenya) © 2021

Digital copyright under the terms of the Creative Commons BY-SA license

All rights of translation, reproduction and adaptation reserved for all countries.

e-mail : jmpbk.app@gmail.com

https://www.jesussmessiahcomicmedia.com



Tēēpuut

1. Chōōnātoo Yēēsu (p.1-3)(Mat 3:1-17)

- Āmu nee sikuurum keey :piich nkōō tapan nyēpō araaray?
- Kiimwoochi :Choowaana piich kuchēpto keey ānō akipō chōōnātoo pāyuunātoo kaa :Iriin?

2. /Kēētyāmēy Yēēsu (p.4-5)(Mat 4:1-12)

- Kiimut :Toomirmiir nyoo Tiliil Yēēsu kuwō ānō paani /kaakeepaatisan?
- Kii-ir nee :Yēēsu paani kiimii suur kwēēn?
- Kiityamta ānō :Syeetaani Yēēsu?
- Kii nēē tyam :Syeetaani Yēēsu ku kiiwālchi :Yēēsu kilē nee?

3. Tuum nyoo kiimii Kaana (p.6-7)(Chow 2:1-11)

- Āmu nee sikuwō :Yēēsu Kaana?
- Kwōng'uut nee nyoo kii-ir :Yēēsu nkōō Kaana?

4. Atuupaan! (p.8-9)(Mat 4:12-22)

- Kiimwoochi :Yēēsu Pēētērō ku-ir nee? Kii-ira :nee paani kiikoonyit :Pēētērō kiyi kiimwoochi :Yēēsu?
- Choonō tuupaan si nēē ng'at ināmwoon piich. Imuuktooy :inyēēn ānō imuti piich Kiriistō?

5. Pēēruur nyēpō iman (p.10-11)(Mat 5:1-16)

- Nyōōruuy pēēruur nee :akwaaneek choo /kiwusēy /akēēsāsēy akipō pāyuunātoo Iriin?
- Nyoolchinēēch kee-ira nee akipō puuniichooch?

6. Kiikusop! (p.12-13)(Luuk 5:17-25, 6:6-11)

- Koonēētut nee nyoo kinyōōruuy :achaan kupunuunō choorway chēpō chiichi kiimnyoonēy?
- Mwaara kee tukun ārēēny chēpō koomānuut choo kii-irchi :Yēēsu chiichi kiimnyoonēy?

7. Kuupkoong'ēy :Yēēsu yoomēt (p.14-15)(Mat 8:23-27)

- Kaa-iimuut nee nyoo kiipuntēērō :kiineetanik paani kiimii mēēli?
- Kii-ir nee :Yēēsu akipō kaa-iimuutyooni aku kir nee nyoo inēētēy keey :inyēēn akipō kaamuuka nyēpō Yēēsu?

Tēēpuut

8. Tyaakaat nkōō kaamuuka nyēpō Syeetaani (p.16-17)(Maarkō 5:1-20)

- Kiiro ng'oo :akwaaneek paani kiipa kamasta nyiinō aka pō araaray? Kir nee nyoo kii-rchi Yēēsu inyeentee?
- Kir nee nyoo kiimwoochi :Yēēsu chiichoonēē ku-ir?

9. /Kēē-āptooy lōkōōy (p.18-19)(Mat 9:35-10:4)

- Kiiwō :Yēēsu kusaaya ānō? Koonēētūut nee nyēpō koomānuut nyoo inēētēē keey nkōō yēēnyi?

10. Kōōnēēch :Yēēsu tukun choo yāmēēch (p.20-21)(Chow 6:1 15)

- Kii-irchi nee :Yēēsu piich nyoo ng'uutuuy kilē kiiting'ēy :inyeentee riireena?

11. Rana nta imētō (p.22-24)(Mat 14 :22-33, Chow 6:22-40, 60-69)

- Āmu nee sikuchūut :Pēētērō pēr?
- Kii nēē teep :Yēēsu kiineetanichiich nēē ryātooy mpō, ku kiiwalta nee :akwaaneek? Kir nee nyoo nēētēēch :ng'ālyoontooni?

12. Taya kiyoo mārēy :moong'uung' (p.25)(Mat 16:13-28)

- Paani kiiteep :Yēēsu kiineetanichiich kilē mwoorēy :piich kilē ng'oo :inyeentee ku kiiwālu nee :akwaaneek?
- Kiimwa :Yēēsu kilē nyoolchinii ku-ir nee :akwaaneek choo mārēy kutuup inyeentee?

13. Mwoorēyii kōōnkēy (p.26-27)(Luuk 17:11-19)

- Ng'oo :chu kiisoom Yēēsu kuusoop akwaaneek?
- Kir nee nyoo mārēwēēch :Iriin kee-ira paani kāwālwēēch :inyeentee soowutēchooch?

14. Tēpēē kilēē laakwa (p.28)(Luuka 19:1-10, Mat 19:13-15)

- Kii āmu nee sikumwoochi :koontōōy chēpō Yāwuut piikwaak kuyoot Yēēsu?

15. Kōōnuuy :Yēēsu sopoon (p.29-30)(Chow 11:17-44)

- Kiimwoorēy nee :Yēēsu paani kiimwa kilē, “Aneen nyi āng'ēētēē piich meerat ākookōōnuuy sopoon?”

16. Nyoolchinii kima! (p.31-31)(Chow 11:45-54)

- Ng'oo nyoo kiing'eeta :Yēēsu meerat?

Tēepuut

17. /Kēekoonyit Yēesu (p.32-32)(Chow 12:1-11)

• Kiimwa :Yēesu kilē kir nee nyi kii-irēy :Maaryaa, paani kiironchinii kēelyēēchiich mwaar?

18. Pāytooyiin :nyoo mining'iitēy keey (p.33-34)(Luuk 19:29-44)

• Kii āmu nee sikulaang' :Yēesu sikiryō paani kiiwētii Chēerusālēm?
• Waawaa keecha nee nyoo puuytooy ng'ōōkiichooch?

19. /Kēētiliilēy Kōpō Iriin (p.35-36)(Luuk 19:45-45)

• Kii āmu nee sikunārēēchi :Yēesu piich paani kiichuut kōpō Iriin?

20. /Kēē-āltooy Yēesu (p.37-38)(Mat 26 :14-19)

• Ng'oo :nyoo kiinam rōōpiyō siku-alta Yēesu?

21. Kiiwuunō nyēpō kēelyēn (p.39-40)(Chow 13:1-35)

• Kii āmu nee sikuyeeng' :piipō Yāwuut waawaa keecha nkōō pērēētuu Pasaka?
• Kiing'uutuuy nee :Yēesu paani kiimwoorēy kilē, “Inyeentee nyoo lēē kipāyiityoon kulēkuuy nyoo oōw?”

22. Āmiisyō nyēpō Kiptaayaan (p.41)(Mat 26:26-30, Chow 13:34-38)

• Kiing'uutuuy nee :Yēesu paani kiimwoorēy kilē, “Nyi ku pōōrtanyuun aku tiipaayiichu ku kērētiichuuch?”
• Kir nee nyoo kiimwa :Yēesu kilē nyoolchinii ku- ir :kiineetanik sikung'uutu kilē chaachiich?

23. /Kēēnāmēy Yēesu (p.42-43)(Chow 14:1-31, Mat 26:36-56)

• Kir nee nyoo kiimwa :Yēesu kilē tēnii :apoonyiin kiineetanichiich?
• Kiimwoorēy nee :Yēesu paani kiilē, ‘Aneen aree, man nkōō sopoon?’

24. /Kēērwoochinii Yēesu (p.44-45)(Mat 26:57-75)

• Ng'oo :nyoo kiitay kilē mēēnkēt Yēesu?
• Muukēy :chiich nyoo rānēy Kiriistō kutay Yēesu nkōō oor nee?

25. /Kēētilēy /keepar Yēesu (p.46-47)(Mat 27:11-30, Chow 18:28-40)

• Kii āmu nee /sikeenam Yēesu?

Tēēpuut

26. /Kēēpārchinii Yēēsu kimurtooyoon (p.48)(Chow 19:1-18)

- Kiisoom :Yēēsu Apoonyiin ku-irchi nee pichoochēē choo kiikarkaat inyeentee?
- Kir nee nyoo kuunēētēy :achaan keey nkōō yēēnyi?

27. Meeraa Chuutaas (p.49)(Mat 27:3-10,Luuk 23:32-34)

- Ng'oo :nyoo kii-alta Yēēsu akipō rōōpiyō?

28. Kimēērēy :Yēēsu (p.50-51)(Luuk 23:32-46, Mat 27:46-50,Chow 19:25-30)

- Chēēlōsōōsyoontēē nyoonō nyi kiiyoomiis :Yēēsu kilē wōkutēpēē nkōō inyeentee Paratisō aku āmu nee?

29. Kiikōōnuuy keey :Yēēsu kima (p.52)(Chow 19:31-42)

- Kir nee nyēpō lēt nyoo kiimwa :Yēēsu kitoomō kima?

30. Kiing'eeta :Yēēsu meerat (p.53-54)(Maarkō 16:1-9, Chow 20:1-18)

- Kii nēē pa :chēēpyōōsōōy kuurō kēpēnēē nkōō pērēētuu nyēpō sōmōk, ku kiimwoochi nee :malayiika akwaaneek?

31. Mii :Yēēsu kupootēēch (p.55)(Luuka 24:13-43, Chow 20:19-29)

- Kii nēē chōōnchi :Yēēsu Maaryaa ku kiimwoochi nee?

32. Mā choochēē “Aneen Kupōk!” (p.56-57)(Chow 21:1-19, Mat 28:16-20)

- Kiimwoochi :Yēēsu Pēētērō nkōō kiineetanik chuuchō walak ku-ir nee?

33. Akwaaneek choo kiiro akuteer akipō Yēēsu (p.58)(Pāyiisyoon 2 :22-39)

- Kiiyoochi :Yēēsu nee kiineetanik paani kiituuyō akusa?

34. Chēpoot :Iriin kusāru piich (p.59)(Ēpēēsō 1:1-15)

- Kir nee nyoo ng'uutuuy kilē chāmēy :Iriin ng'wēny?

YĒĒSU MEESAAYA: Iman :ng'aleechu pō Yēēsu Meesaaya. Kiimāng'iisyō :inyeentee nkōō kōōroo Israyeel lēēkit kēnyis 2000 choo kiikusiirtō. Kiikwōng' :chiich aka tōkōl nyoo kiinyōōru inyeentee. Moomii :chiich nyoo kiiku-ir tukun choo lēē choo kii-ir :inyeentee, amoomii :nyoo kiikumwa ng'al choo lēē choo kiimwa :inyeentee. Kii-iriisyō kwōng'uut nkōō wōltō aka tōkōl wōloo kiimii :inyeentee. Kii-āpchi :inyeentee pāypooyō nyoo oōw akwaaneek choo kiiteer ng'aleechiich. Nkōō oor nyoo /kiimākuupkootēy ku-it lēt nyēpō ng'aleechiich āmu kii-par inyeentee :puunichiich. Wōloo nyuun kiing'eeta :inyeentee meerat akusopēy aniinee. Sōōmānchii keyy :inyēēntēē wōloo kiitoowu keyy :sopoon nyēpō Yēēsu Meesaaya akiiroo wōloo tāstooy taay.



Kuutii: Marakwet
Language: Marakwet (Kenya)
ISBN: 978-94-93178-27-4